

Sello sa Baporofeta



Sabatha Mantsiboea

Bakeng sa Thuto ea Beke ena Bala:

1 Sam. 8:10–18, Amose 5:10–15, Mikea 6:8, Gen. 19:1–13, Ezek. 16:49, Esa. 1:15–23.

Temana ea Khopolo:

“Uena motho, u tsebisitsoe se leng molemo, le seo a se batlang ho uena, ke hore u etse se lokileng, u rate bokhabane, le tsamaea ka boikokobetso le Molimo oa hao?” (*Mikea 6:8*).

Baporofeta ba Testamente ea khale ba hara batho ba thahasellisang ka hara Bibe. Mantsoe a bona a bohlae, melaetsa e sebete, mahlomola a bona, khalefo, le tšabo e kholo, le papiso tse itseng tsa malaetsa ea bona li ne li etsa hore e be batho ba ke keng hoa iphapanyetsoa bona, leha e ne e ba kamehla ha ho monate hore e be teng haufinyane. Ba rometsoe ka ho khetoloha ho Iseraele le Juda, ba ne ba khutlisetsa sechaba se khethehileng pitsong ea bona ho Molimo. Sechaba le baetapele ba sona ba ne ba khoptjoa ke litšoantšo le bophelo ba lichaba tse ba potileng. E ne ele mosebetsi o se nang teboho oa moporofeta ho ba khotlaetsa ho baka, ka linako tse ling ka ho ba hopotsa ka lerato la Molimo bakeng sa bona le ka moo a ba sebelelitseng kateng nakong e fetileng 'me ka linako tse ling ka ho ba hlokomelisa ka litlamorao ha ba tsitlalletse ho tsoela pele ho tloha Molimo.

Joalo ka ha re tla bona, hore hara libe le makhopo ao ba neng ba hlokomelisa baetapele le sechaba khahlanong le tsona, e 'ngoe ea tse kholo e ne e le khatello ea bafutsana, le bahloki, le ba hlokgang thuso ha ra bona. E, ho khumamela litšoantšo e ne e le ntho e mpe; e, ho latela liketso tsa bolumeli ba ho bohata ho ne ho le hobe; empa, e, ho nka monyetla holima ba fokolang le bafumanehi ho ne ho lokela khalemelo, le eona.

**Ihute thuto ea beke ena ho lokisetsa Sabatha sa la, Phato 3.*

Pitso ea Khafetsa ea Toka

Ntle le morero oa Molimo oa hlakileng bakeng sa sechaba sa Iseraele, ba-Iseraele ba ne tšoha ba phetse ho latela pitso ea bona. Meloko e mengata ka mora moo ba ne ba thehiloe naheng ea bona, ba kopa Samuele, boporofeta le moahloli, ho ba khethela morena ea tla etella pele sechaba sa bona, “joalo ka ha lichaba tse ling li etsa” (1 Sam. 8:5).

Bala 1 Samuele 8:10–18. Tlhokomeliso ea Samuele ho sechaba e bile efe karabeleng ea kopo ea bona ea morena?

Samuele a eelloa sena e le khato ea ho ba joalo ka lichaba tse ling ka litsela tse ling. Leha Samuele a lekile ho eletsa morena oa pele, Saule, ha e eaba nako e telele pele boporofeta ba hae bo fetoha 'nete. Le hlorong ea 'muso oa Iseraele, Davida le Solomone ha ba ka ba qoba liteko, bobolu, le matla a senyekhe-nyekhe. Nalong eohle ea puso ea marena a Iseraele le Juda, e 'ngoe ea likarabelo tsa Molimo e ne e le ho ba romela baporofeta ho bua thato ea hae le ho hopotsa baetapele ba-Iseraele le sechaba ka boikarabelo boo Molimo oa bona ba fileng bona ho litho tse lebalahileng tsa sechaba.

Lingoloeng tsa baporofeta ba ba-Heberu, re bona potso e tsoellang le e hlahang khafetsa ea ho phela ka toka le ho e etsa sechabeng. Ho thulaneng le ho tšepahaleng ha Iseraele le baetapele ba eona, baporofeta e ne e le melomo e potlakileng le lentsoe la ba se nang lentsoe, haholo-holo bao ba neng ba utloisoa bohloko ke ho hloleha ha Iseraele ho latela thato ea Molimo. Ho sheba cheseho ea pono ea baporofeta ba Testamente ea Khale, Abraham Joshua Heschel o bapisa khotsofalo ea rōna le pitso tsa tlokotsi tsa bona tsa toka: “Lintho tse neng li tšosa baporofeta joale ke sejo sa letsatsi le letsatsi hohle lefatšeng. . . . Ho hloka mamello ha bona ka toka, rōna ho ka re etsa hore re be ba feteletseng. Ka bo-rōna re tsoela pele ho bona liketso tsa ho hloka toka, ponahalo ea boikaketsi, thetso, tšabo, masisa pelo, empa tseo ha li sisinye ka letho kapa ho tšosa. Ho baporofeta le ketso e fokolang ea ho hloka toka e ne e ntho e kholo.”—*The Prophets* (New York: Jewish Publication Society of America, 1962), pp. 3, 4.

Seo ba baporofeta ba re fang sona ke leseli le isang pelong le kelellong ea Molimo. Ba bua lebitsong la Molimo, ba ka re thusa ho bona ho hloka le mahlomola a lefatše la rōna ka mahlo a tletseng likeleli a Molimo. Empa cheseho hape ke memo ea ho nka khato, ho sebetsa le Molimo ho imolla le ho folisa khatello le bohloko ho ba re potileng.

Ke joang ka linako tse ling re batlang ho ba joalo ka “lichaba tse ling” ka litsela tse ka bang kotsi ho rōna le ba bang?

Amose

“‘Na, ha ke moporofeta, leha e le mor’a moporofeta; empa ke molisa, ke phela ka ho ikhella litholoana tsa sikomora. Empa Jehova o ntšoere ke aloitse mohlape, ’me Jehova a re ho ’na: “E-ea, u porofete holim’a sechaba sa ka sa Iseraele”” (Amose 7:14, 15). Amose o ile a ananela ho hloka makhabane ha hae a ho ba moporofeta, empa ha a beha molaetsa oa hae ho sechaba sa Iseraele, o bonahala a na le bokhoni ba ho hulela bamameli ba hae ho seo a batlang ho ba bolella sona. O qala tabeng e tumileng, a etsa letoto la linaha tse ba potileng—Syria, Philistia, Phoenicia, Edomo, Ammone, le Moabe—le ho lokolisa makhopo a tsona, khalefo, le liketso tsa bona tse mpe tseo Molimo a tlang ho ba otlala ka lebaka la tsona (sheba Amose 1:3–2:3). Ho bonolo ho nahana ba-Iseraele ba opa liatla ka bobele ba lira tsa bona, haholo ha bohoto ba makhopo a lichaba tseo a tobisitsoe khahlanong le ba-Iseraele ka bo bona. Joale Amose o atamela haufi le hae, o phatlalatsa kahlolo ea Molimo khahlanong le sechaba sa Juda, ’muso oa boahaelane o ka boroa oa Iseraele mebusong ha joale e arohaneng. Ha a bua lebitsong la Molimo, Amose o bolela ho latola Molimo ha bona, ho se utloe melao ea hae, le kotlo e tlo ba tlela (sheba Amose 2:4, 5). Hape, re ka nahana batho ba ’muso oa ka leboea ba opa liatla ha Amose a supa makhopo a bana ba ba potileng. Empa eaba Amose o fetohela ho bamameli ba hae. Bohoto ba buka bo shebana le makhopo a Iseraele, khumamelo ea litšoantšo, ho hloka toka, le ho pheta ho hloleha mahlong a Molimo.

Bala Amose 3:9–11; 4:1, 2; 5:10–15; le 8:4–6. Ke libe life tseo a ba hlokomelising ka tsona?

Leha puo ea Amose e se ea likamano tsa linaha ’me melaetsa e le kotlo, molaetsa oa hae o lohiloa ka qeko ea ho khutlela ho Molimo oa bona. Sena se tla kenyeletsa nchafatso ea bona ea toka le tlhokomelo ea bafumanehi mahareng a bona: “Empa kahlolo e tla matha joalo ka metsi, le ho loka joalo ka nōka e sa phetseng ho phalla!” (Amose 5:24). Litemana tse fokolang tse qetellang tsa boporofeta ba li supa nchafatsong ea ka mose ea sechaba sa Molimo (sheba Amose 9:11–15): “Horeng ea bokhelohi ba bona bo bohoto le bohloki bo bohoto, moaetsa oa Molimo ho bona e ne e le oa tšoarelle le tšepo.”—Ellen G. White, *Prophets and Kings*, p. 283.

Na ho na le linako tse re hloakang ho itukisets ho khalema phoso? Ke joang re elang hloko ha puo e joalo e ka bang e loketseng?

Mikea

“Uena motho, u tsebisitsoeng se leng molemo, le seo Jehova a se batlang uena, ke hore u rate bokhabane, le ho tsamaea ka boikokobetso le Molimo oa hao?” (Mikea 6:8). Ke litsela life ha joael, tseo u ka phelang mantsoe aa?

Mikea 6:8 mohlomong ke e 'ngoe ea litemana tse tsejoang mangolong. Empa, joalo ka litemana tse ngata re etsa mapetjo kapa “lipolakate,” ha re ea tloaelana ha kalo le boemo ba litemana ho feta ka moo re ka lekanyanang kateng.

Bala Mikea 2:8–11 le 3:8–12. Batho ba ne etsang eo Mikea a khalemellang eona?

Puso ea Ahaz e le morena oa Juda e theoletse sechaba sa Molimo bo bocha bo tlase nalaneng ea le semoeng sa sechaba. Khumamelo ea litšoantšo le liketso tsa teng tsa mpe e ne e ntse e phahama. Ka nako e tsoanang, joalo ka baporofeta ba bang ba nako eo ba boletse, bafumanehi ba tsetse pele ho tlatlapuo le jeoa. Mikea ha se moporofeta oa bomalimabe ho feta ba nako ea hae. Boholo ba likhaolo tsa hae tsa pele tse tharo o bontša khalefo ea Molimo le tsoabo bokhopong boo sechaba sa hae se bo entseng, 'moho le tšenyeho e tlang e ba tobile. Empa Molimo o ne a sa lahla sechaba sa hae. Lentsoe le hooang le molaetsa o bohale oa baporofeta e ne e le sesupo sa thahasello e kholo ea Molimo sechabeng sa hae. O ile a ba le lithokomeliso ka lebaka la lerato la hae le tsotello. O ne a labalabela ho ba tsoarela leho ba nchafatsa. A ke ke a lula a halefile ka ho sa feleng (sheba Mik. 7:18–20).

Boo ke boemo bo tsejoang haholo—etsa ka toka, lerato le moahu, tsamaea ka boikokobetso. E ka utloahala e le bonolo, empa ho phela tumelo e joalo ho batla ho na le liqholotso, haholo ha ho etsa ho ka bonahala ho le kathoko ho tsela ea sechaba se potileng. Ha ba bang ba una molemo oa ho hloka toka, ba nyatsa mohau le ho tsamaea ka boikhantšo, ho etsa ka toka, mohau le lerato, le ho tsamaea ka boikokobetso ho hloka sebete le mamello. Lehla re sa etse sena re le bang; ha re etsa ka tsela ena, re tsamaea le Molimo.

Ke khokahano efe e lipakeng tsa ho etsa ka toka, lerato le mohau, le ho tsamaea ka boikokobetso pela?

Ezekiele

Ha e ne e ba re ka botsa sehlopha sa Bakreste ka “libe tsa Sodoma,” menyetla ea ba bangata ke hore ba tla potlakela tlhalosong ea libe tsa likamano tsa thobalano le boitšoaro bo hlephileng ba teng. Ha e le hantle, Genese 19:1–13 e fela e bolela sechaba se kulang le se botsoitseng bakeng sa timelo. Ho thahasellisang, leha ho joalo, karabo e batla e le thatanyana ho feta hono. Sheba tlhaloso ea Ezekiele: ““““Bona, bokhopo ba Sodoma, ngoan’eno, ke bona: e ne e le boikhohomoso, le nala, le ho lula ho iketliloe; ke bona bokhopo ba hae le ba barali ba hae; hape, o na a sa tšehetse matsoho a mohlomohi le a mofutsana”“““ (Ezek. 16:49). Leha ho hlakile morena o ne a ke ke a tlolisa mahlo mekhoe e meng ea boitšoaro bo hlephileng bo fumanoang motseng, pono ea Ezekiele mona e ne e le ho hloka toka maemong a moruo le ho hloka tsotello ho ba hlohang. Na e ka hore, mahlong a Molimo, libe tsena tsa moruo li ne li le mpe joalo ka boitšoaro bo hlephileng mealong? A tla ka mora nako ea Amose, Mikea, le Esaia, boporofeta ba Ezekiele bo utloahatsa molumo o tšoanang oa tlhokomeliso ea kotlo e tlang. Leha ho le joalo, ka mora ho oela ha Jerusalema ho Babylona le batho ba teng ba isoe khoholehong, pono ea Ezekiele e fetohela ka botlalo lipallong tsa Molimo tsa nchafatso.

Bala Ezekiele 34:2–4, 7–16. Bapisa tlhaloso ea Molimo ka bobolu ba baetapele ba Iseraele le bolisa ba hae. Ke joang tšoaro ea bona ea “linku” tse bafokolang e hananang le le mekhoe ea hae?

Leha ba bile babe joalo, hoo ba ka bapisoang le Sodoma, Morena o ne a ba fihlela ka tšepo ea ho ba khutlisa bokhopong ba bona. Morerong oa Molimo o nchafetseng bakeng sa batho ba hae, ba tla khutlela naheng ea bona, Jerusalema o tla tsosoa, ’me tempele e tla ahoa bocha. Mekete eo Molimo a faneng ka eona hang hape e tla ketekoa ’me nahana hape e aroloa ka ho lekana mahareng a batho e le lefa la bona (sheba Ezek. 47:13–48:29). Ho hlakile hore sepheo sa Molimo bakeng sa morero oa sechaba sa hae oo pele o fanoeng ho Moshe le sechaba sa Iseraele ka mora ho lokolloa Egepete, o tla qaloa bocha ka ho khutla ha sechaba sa hae khoholehong. Sena se kenyeletsa khathatseho bakeng sa ba fokolang ba litho tsa sechaba, ’moho le ba ka nkoang e le matsoa ntle.

Ho bohlokoa ha kae ho uena hore e be Molimo oa rōna ke Molimo ea fanang ka monyetla oa bobeli—’me le ho feta—le ho sechaba sa hae se neng se fositse ka mora hore ba be le monyetla oa hore ba etse liqeto tse betere?

Esaia

Bala Esaia 1:15–23; 3:13–15; le 5:7, 8. Ke joang u ka hlalosing karabelo ea moporofeta ho seo a se bonang sechabeng se mo potileng?

Thuto e bulang ea Esaia—likhaolo tse hlano tse qalang—ke motsoako oa khalemelo e bohale ka mofuta oa sechaba oo sechaba sa Molimo se seng se le oona, lithokomeliso ka kahlolo e tlang e le karabelo ea ho latola Molimo ha bona le ho tsoela pele ka ho etsa ha mpe, le mpho ea tšepo ha sechaba se ka khutlela ho Molimo le fetola maphelo a bona le sechaba. Empa mohlomong boikutlo bo matla bo tlang ka mantsoe a hae ke a poboli. Ho ipapisitsoe le kutloisiso ea hae ea hore na Molimo ke mang le hore o batla eng bakeng sa batho ba hae, moporofeta o bohlokong bo kang motho ea shoetsoeng, ka batho ba se nang palo ba lebetsoeng le ho utloisoa bohloko, le kahlolo e tlang e tobile sechaba.

Esaia o tsoela pele ka mokhoa ona boseletsing bohle ba hae ba boporofeta. O khothaletsa batho ho hopola seo Molimo a ba etselitseng sona. Hape o fa batho bana tšepo ea seo Molimo o se batlang ka moso. Ka hona, ba lokela ho batla Morena hona joale, ka likamano tsena tse nchafetseng le eena ho tla kenyeletsoa ho baka bobeng boo ba bo etsang ha joale le ho fetola tsela eo ba tšoarang ba bang ka eona.

Khaolong tsa 58 and 59, Esaia ka kotloholo o khutlela khathatsehong ea toka. Hang hape o hlalosa sechaba ka hore “Tokiso e suthiselitsoe morao ke hona, ho loka ho eme hole le rōna, hobane ’nete e oele lepatlelong la motse, ’me ho loka ho sitoa ho kena” (Esa. 59:14). Empa hape o tiisa hore Molimo o etse hloko taba eo le hore Molimo o tla pholosa sechaba sa hae—”Mololli o tla tla” (Esa. 59:20). Bukeng eohle ea Esaia, karolo e kholo ea thahasello ea moporofeta e shebisoa ho Mesia ea tlang, eo qetellong a tlang ho theha ’muso oa Molimo lefatšeng le ho busa ka toka, mohau, pholiso, le nchafatso.

Bala Esaia 9:6, 7; 11:1–5; 42:1–7; le 53:4–6. Ke joang boporofeta boo bo kopanang le seo u se utloisang ka bophelo, bosebeletsi le lefu la Jesu? Boporofeta boo bo supa eng ka sepheo sa ho tla ha Hae lefatšeng lee?

Ho Ithuta Haholoanyane:

Bala Ellen G. White, “The Assyrian Captivity,” pp. 279–292; “The Call of Esaia,” pp. 303–310, in *Prophets and Kings*. “Khahlanong le khatello e bonahalang, le ho hloka toka ho totobetseng, boikhabo bo patiloeng le tšenyō, mekete e se nang lihlong le botahoa, bonyollo bo hlabisang lihlong le bokhopo, tsa nako ea bona, baporofeta ba ile ba phahamisa mantsoe a bona; empa boipelaetso ba bona ea e-ba ba lefela, ba nena sebe lefele.”—Ellen G. White, *Prophets and Kings*, p. 282. Ho Esaia, “chebahalo ea kantle e ne e nyahamisa malebana le maemo a sechaba a likamano. Ka takatso ea bona ea moruo, banna ba ne ba eketsa matlo a bona le masimo a bona. . . . toka e ne e sokantsoe, ’me ho ne ho se kutloelo bohloko ho ba bafumanehi. . . . le baahloli, bao mosebetsi oa bona e neng ele ho sireletsa ba hlokang matla, ba ikoala litsebe lillong tsa mohlopheli le mohlōki, bahlolohali le likhutsana. . . . “Maemong a joalo ha ho makatse ke hona, ha qetellong ea selemo sa puso ea Uzzia, Esaia a ileng a bitsoa ho tlisa molaetsa oa tlhokomeliso le khalemelo oa Molimo ho Juda, o ile a silakanngoa ke boikarabello boo. O ne a hanne khanyetso eo a neng tlo tobana le eona.”—Maq 306, 307. “Lipolelo tse hlakileng tsa baporofeta . . . li lokela ho nkoa e le lentsoe la Molimo ke moea o mong le mong. Ha rea lokela ho lahlehela ke monyetla le o mong oa ho etsa ketso ea mohau, ho nahanela kamoso le boitšoaro ba Bokreste, bakeng sa ba imetsoeng le hateletsoeng.”—Leq 327.

Lipotso tsa Puisano:

- 1. Hangata re utloisisa tšebetso ea baporofeta e le ho bolela bokamoso. Ke joang ho ela hloko baporofeta ba Testamente ea Khale ba shebana le lefatše leo re phelang ho lona, ho fotolang pono ea hao ka mosebetsi oa moprofeta?**
- 2. Bophelo le molaetsa oa baporofeta o ne o bontša hore ho ka ba thata le ho ba kotsi ha kae ho ka emala ’nete. Hobaneng o lumela hore ba entse seo ba se entseng le ho bua ka tsela eo ba buileng ka eona?**
- 3. Lingoloeng tsa baporofeta, Molimo o bonahala a feto-fetoha lipakeng tsa ho halefa le ho bontša khathatseho e tebileng bakeng sa batho ba hae. Ke joang o kopanyang ’moho lintlha tse peli tsee tsa semelo sa Molimo?**

Kakaretso:

Baporofeta ba Testamente ea Khale ba ne ba na le cheseho ’me hangata bana le khalefo le basireletsi ba sa thabang ba tsela le thato ea Molimo sechabeng sa bo bona. Ba bontša khathatseho ea Molimo ka sebele, tjantjello ena e ne e kenyeletsa le chebahalo e matla ea toka bakeng sa bafumanehi le ba hateletsoeng. Memo ea baporofeta ea ho khutlela ho Molimo e ne e kenyeletsa ho felisa ho hloka toka, se seng seo Molimo a tšepisitseng ho se etsa ponong ea bakeng sa bokamoso bo molemo bakeng sa batho ba hae.